



乾隆興平縣志

(清)

張顧
墳聲
纂雷
修



緒二年（一八七六）刻本影印。
本書二十五卷，附三卷，據清光

後序

乾隆四十二年承

大中丞畢公之命重纂興平志時齊雷司里舍人張君方居憂

去京師曰此書相屬明年舍人來關中抽毫授詞一二鈔胥腕

不暇給一年書成次第為二十五卷曰地理曰賦役曰建設曰

職官曰選舉曰舊跡曰陵墓曰金石曰世系曰賈氏傳曰馬氏

傳曰班氏傳曰列傳曰循吏文學貨殖逸人方外傳曰擬傳曰

僑人傳曰后妃列女傳曰列女擬傳曰諡佞奄人傳曰園內中

金石世系志之初例公道毀譽諸傳見之美哉備焉彬璘可觀

齊雷迺急為開雕曰廣流傳蓋郡縣之志周官掌之小史訪庫

史者也所曰傳信也地有沿革今古異名興平在兩漢為槐里

為茂陵此人知之者其為平陵則明昧參半故有曰為在咸陽

者矣然臣瓚言茂陵在長安西北八十里平陵在長安西北七

十里本相毗連而杜佑通典直云武帝割槐里置茂陵縣昭帝

又割置平陵縣此匪顯顯然可証者庫亦不謂興平一隅便括

庫漢三縣之地而緣平陵改始平縣始平改興平興平與咸陽

接壤犬牙相錯例曰宗子庶子之義則平陵之隸興平者為宗

子隸咸陽者為庶子也况杜氏之言足為左券庫漢置陵縣必

從居豪桀嘗財之戶故苗裔繁衍名彥衆多甄采汗簡不容佚

漏此匪為一縣之榮也所曰傳信也同時舍人並重纂扶風志

齊雷暇時借得扶風舊志觀之則有異焉扶風有茂陵山舊志

便曰茂陵縣當之謂有茂陵遺址孝武不曾遷葬高高一十四

丈之景何可移真一百數十里之外此可異者一今扶風縣漢

美陽地三輔右扶風之一縣凡班氏范氏書中所謂扶風者當

日並無此縣只是右扶風省去右字舉一郡而言扶風舊志使

一一采拾謂是今之扶風故實此可異者二采拾扶風字之不

已因而班范書中之傳所謂扶風茂陵人扶風平陵人扶風安

陵人者亦孰視無覩俱納之今扶風一縣之中於是一郡之先

哲屈作部民漢帝之遺陵汎無定著此可異者三舍人擬撰古

扶風士女記一卷正之彼中人士恐奪其鄉賢祖宗舍人不得

已姑仍舊志傳記一卷而別撰唐曰後扶風傳記曰別之舍人

語齊雷曰扶風舊志安人作偏於前膠固難返有至於斯亦無

足重輕然與興平地理沿革有相錯雜不容不辨者予為我長

言申明之齊雷嚴詣圖經亦服舍人之媿雅案廢餘閒繙書相

對有並為發明者故書此為興平志後序舍人名填吳縣人

進士出身知興平縣事元和顧聲雷撰

興平縣志後序

序

今興平之地為西漢置縣之始者曰槐里縣孝武帝又於槐里之茂鄉起陵置縣曰茂陵縣孝昭帝亦起陵於槐里曰平陵置平陵縣或謂在今之咸陽然據杜佑通典曰廢邱漢高帝改名槐里武帝割置茂陵縣有武帝茂陵昭帝又割其地置平陵縣有昭帝平陵此說顯然可據魏文帝改平陵縣為始平縣唐改始平縣為興平縣今沿其名此歷代地理之沿革如此直縣既多鄉賢燦著又漢時每徙它郡豪桀營財大戶巨實其地故茂陵平陵二縣僑寓之人亦最衆多詳采正史臚列可觀並匪出於假借傳會者也舊志最先之本不傳今所傳惟乾隆元年所纂之本閱今四十餘年版片灑漉一切建置多有不同官師科名亦有未詳余故令重為采輯成書二十五卷較舊志殊稱美備邑令顧君聲雷頗有循聲亦踴躍樂成此書焉今恭遇

右文盛世一切遺文佚獻多入四庫編摩此雖方州小志亦和鳴其盛有如此者亦曰徵休養生息民物繁庶有如此之超轍前古者故為之序

賜進士及第兵部侍郎巡撫陝西都察院右副都御史領洋畢沅

序

目錄

卷一

地理

卷二

賦役

卷三

建設

卷四

職官

卷五

選舉

卷六

舊蹟

卷七

陵墓

卷八

金石

卷九

世系

卷十

竇氏傳弟一

卷十一

馬氏傳弟二

卷十二

班氏傳弟三

卷十三

列傳弟四

卷十四

列傳弟五

卷十五

列傳第六

卷十六

列傳第七

卷十七

循吏文學貨殖逸人方外傳第八

卷十八

擬傳第九

卷十九

僑人傳第十之上

卷二十

僑人傳第十之中

卷二十一

僑人傳第十之下

卷二十二

后妃列女傳第十一

卷二十三

列女擬傳第十二

卷二十四

諂佞奄人傳第十三

卷二十五

圖

地理

縣之沿革

山水

興平縣志卷一

土產

縣之沿革

今興平縣隸陝西西安府

一統志西安府興平縣在府西一百里東西距七十里南北

距六十里東至咸陽縣界二十五里西至乾州武功縣界四

十五里南至盩厔縣界二十五里北至醴泉縣界三十五里

東南至咸陽縣界三十里西南至武功縣界四十五里東北

至咸陽縣界三十里西北至醴泉縣界四十里

舊志東西廣七十五里南北袤六十里東至咸陽縣界二十

五里西至直隸乾州武功縣界五十里南至盩厔縣界四十

里北至醴泉縣界二十里東南至鄠縣界三十里西南至盩

厔縣界六十里東北至咸陽縣界四十里西北至醴泉縣界

三十里自縣治東至省城一百里至京師二千五百里

周曰犬邱

帝王世紀周懿王二年自鎬徙都犬邱

竹書紀年厲王十一年西戎入于犬邱

地理通釋秦紀非子居犬邱周孝王分土為附庸邑之秦莊

公居其故西犬邱

案犬邱亦曰太邱此傳寫之譌

又曰槐里

大紀自王懿王為政王室始衰徙都槐里

竹書紀年懿王十五年王自宗周遷於槐里

地理通釋至懿王徙犬邱今京兆槐里是也

通鑑前編丁亥懿王元年徙都槐里

秦曰廢邱

韋昭曰即周時大邱懿王所都秦欲廢之更名廢邱

括地志犬邱故城一名廢邱在雍州始平縣東南十里

又曰舒邱

水經注秦曰為廢邱亦曰舒邱

漢初因之曰廢邱置縣曰槐里

史記漢元年項羽立章邯為雍王王咸陽曰西都廢邱

索隱宋忠曰懿王自鎬徙都犬邱一曰廢邱今槐里是也

漢書高帝紀章邯為雍王都廢邱

又漢王引兵從故道出襲雍雍王邯迎擊漢陳倉雍兵敗還

走戰好時又大敗走廢邱漢王遂定雍地東如咸陽引兵圍

雍王廢邱

又引水灌廢邱廢邱降章邯自殺雍州定八十餘縣置河上

渭南中地隴西上郡 服虔曰河上即左馮翊也渭南京兆

也中地右扶風也顏師古曰凡新置五郡

又周勃傳攻槐里好時最北擊趙賁內史保於咸陽最北救

漆擊章平姚印軍西定汧還下郡頻陽圍章邯廢邱破之

又樊噲傳攻趙賁下郡槐里柳中咸陽灌廢邱最 李奇曰

呂水灌廢邱也晉灼曰京輔治華陰灌北也師古曰高紀言

引水灌廢邱李說是也或者云漢王自彭城敗還始灌廢邱

此時亦也此說匪矣彭城還更灌廢邱始平定之無廢邱此

時已當灌矣

又功臣表周廣漢槐里公乘

又地理志右扶風故內史高帝元年屬雍國二年更為中

地郡九年罷復為內史武帝建元六年分為右內史太初元

年更名主爵都尉為右扶風師古曰主爵都尉本秦之主爵

中尉掌列侯至太初元年更名右扶風而治於內史右地故

此志追書建元六年分為右內史又云更名主爵都尉為右

扶風 槐里周曰大邱懿王都之秦更名廢邱高祖三年更

名莽曰槐治

一統志按周勃傳云勃攻槐里好時最又國章邯廢邱樊噲

傳云噲擊章邯下槐里柳中咸陽摧廢邱是漢初有廢邱又

有槐里其後置縣迺統謂之槐里耳隋志無槐里縣周書閔

帝時槐里獻赤雀四蓋隋初廢也

案竹書紀年周時已有槐里之名或偽書不足信然周勃樊

噲傳亦先稱槐里是班氏地志言槐里高祖三年更名不必

然已

曰茂陵

漢書武帝紀建元初置茂陵邑

又三年賜徙茂陵者戶錢二十萬田二頃

又二年又徙郡國家築營財三百萬曰上於茂陵

又太始徙郡閭吏民家築於茂陵雲陵

又功臣表陳壽茂陵公乘 陳儵茂陵上造 胡世茂陵公

士 蟲宣茂陵公乘 繒賜茂陵公大夫 郭賢茂陵公乘

審非茂陵公乘 楊孟嘗茂陵不更 陳王孺茂陵公乘

張宣茂陵公乘

又地理志茂陵武帝置戶六萬一千八十七口二十七萬七千二百七十七莽曰宣城

三輔黃圖茂陵本槐里之茂鄉

曰平陵

漢書宣帝紀本始元年春正月募郡國吏民訖百萬以上徙

平陵

又二年春呂水衡錢為平陵徙民起第宅

又功臣表蘇建平陵侯 范明友平陵侯 董誥平陵公乘

趙延世平陵上造

又地理志平陵昭帝置莽曰廣利

通典周曰大邱秦曰廢邱項羽封章邯為王都於此漢高帝改名槐里武帝又割置茂陵縣有武帝茂陵昭帝又割其地

置平陵縣有昭帝平陵

案余於興平陵家內補收漢昭帝平陵人或疑在咸陽者得

杜佑之言而始釋然矣

後漢因之縣曰槐里曰平陵曰茂陵

後漢書章帝紀建初七年冬十月進幸槐里

又竇武傳封槐里侯

又皇甫嵩傳封槐里侯食槐里美陽兩縣合八千戶

又萬修傳封槐里侯

又郡國志右扶風秦屬內史武帝分改名泃錄曰扶風化也

槐里周曰大邱又名廢邱周懿王章 薛所都高帝改平

陵 茂陵

三國魏改平陵曰始平

元和郡國志漢平陵縣魏文帝改為始平晉武帝改始平國

太平寰宇記魏黃初元年改平陵為始平因原曰建名

案原即始平原西京雜記謂之北邙山三輔黃圖謂之北山

晉書地理志始平郡秦始三年置 槐里 始平

又姚興載記太元十九年僭即帝位於槐里大赦境內

又地理志元帝渡江所置州亦皆遙領初曰魏該為雍州刺

史鎮鄠城尋省僑立始平郡寄居武當城其後秦雍流人多

南出樊沔孝武始於襄陽僑立雍州仍立京兆始平扶風河

南廣平義成北河南七郡並屬襄陽

後魏因之縣曰始平曰槐里

魏書地形志扶風郡故秦內史漢高帝二年更名為中地郡

九年復為內史武帝為右內史太初中更名主爵都尉為右

扶風後改世祖真君年中併始平郡屬焉 始平魏置晉屬

始平 槐里二漢晉屬始平

案槐里下二字衍漢字下脫置字

後周曰槐里

周書槐里獻赤雀四

隋縣曰始平

隋書高祖紀壬辰驟雨震雷大風拔木宜君湫水移於

始平

又地理志京兆郡開皇三年置 始平故置扶風郡開皇三

年郡廢

唐改始平縣曰金城

舊唐書吐蕃傳吐蕃請昏中宗曰所養雍王守禮女爲金城公主妻之爲幸始平縣設殿帳於百頃泊側饑別因改始平縣爲金城縣

唐書宰相世系表長孫潤太常少卿金城縣子

通鑑綱目帝出奔蜀夜將半迺至金城縣縣民皆走

通典開元中改爲金城有馬嵬故城孫景安征塗記云馬嵬所築不知何代人姚萇時扶風丁駙呂數千人保馬嵬卽此也

括地志景龍四年改金城移治於馬嵬故城後還故治改爲興平

又改縣曰興平

唐書地理志京兆府京兆郡本雍州開元元年爲府 興平

興平縣志卷一

六

畿本始平景龍二年中宗送金城公主降吐蕃至此改曰金城至德二載更名

又肅宗紀至德二載十月壬子復東京慶緒奔于河北興平軍兵馬使李魚及慶緒之衆戰於武關敗之

元和郡國志興平縣東至府九十里

五代曰興平

五代史唐家人傳繼岌班師四月辛丑至興平

宋因之縣曰興平

宋史地理志京兆府京兆郡永興軍節度本次府大觀元年升大都督府舊領永興軍路安撫使宣和二年詔永興軍守臣等衙不用軍額稱京兆府 興平次畿

金因之縣曰興平

金史地理志京兆府上宋京兆郡永興軍節度使皇統二年置總管府天德二年置陝西路統軍司陝西東路轉運司

興平

元因之縣曰興平

元史地理志奉元路上唐初爲雍州後改關內道又改京兆府又曰京城爲西京又曰中京又改上都宋分陝西秦鳳熙河涇原環慶鄜延爲六路金併陝西爲四路元中統三年立陝西四川行省治京兆至元初併雲陽縣入涇陽櫟陽縣入臨潼終南縣入整屋十六年改京兆爲安西路總管府二十三年四川置行省改此省爲陝西等處行中書省大德元年移雲南行臺於此爲陝西行臺皇慶元年改安西爲奉元路 興平下

興平縣志卷一

七

明因之縣曰興平

明史地理志西安府元奉元路屬陝西行省洪武二年三月改爲西安府 興平府西少北

本朝因之

分野爲東井

春秋元命苞東井鬼星散爲雍州分爲秦國

漢書地理志自井十度至柳三度謂之鶉首之次秦之分也

越絕書秦故治雍今內史也巴郡漢中隴西定襄太原安邑

東井也

星躔分野書自井九度至十三度爲西安府分野

山水

黃山縣西三十里

揚雄賦北繞黃山

張衡賦繞黃山而欵牛首

黃麓山縣北一里

三輔黃圖茂陵富民袁廣漢於北山下築園

一統志在興平縣北一里亦名黃山即始平西原也

始平原在縣北

元和郡國志在縣北十二里東西五十里南北八里東入咸

陽界西入武功界

長安志在縣北六里漢時亦謂之北苾巖

三秦記長安城北有始平原數百里其人并汲巢居井深五

十丈漢時又名北苾巖

馬嵬坡縣西三十里

興平縣志卷一

一統志在興平縣西二十五里一名馬嵬山即楊貴妃葬處

渭水縣南二十里

水經注渭水出隴西首陽縣渭谷亭南鳥鼠山又東過魏

里縣南又東澇水從南來注之又東北逕黃山宮

金史地理志興平有渭水

明史地理志興平南有渭水

禹貢錐指渭水又東逕興平縣南二十里

一統志渭水自鳳翔府郿縣乾州武功縣流入境逕蓋屋縣

北又東逕興平咸陽二縣南

舊志渭河至胡浹橋南始為興平縣境又東四十里至清化

坊北合川河又東三十里入咸陽縣界

川河在渭北

舊志川口之上流有三一在武功西北來者曰漆水俗名遊

豐河源出麟遊一從武功東北來者曰沮水亦曰浴水俗名

沐浴河源出邠州一從武功北山來者曰漳水俗名渾水河

源出鳳翔縣漆沮二水合流於武功縣城東五里許其下流

又與漳水合三水合流經川口東流四十里入興平縣界地

名胡浹橋又東四十里至清化坊南入渭河

胡浹齡曰川河在渭河之北距渭遠者二三里近止里許每

夏雨淫潦四集渭水泛溢常挾川而東川河北岸為民地膏

腴自胡浹橋以下川河之執漸趨而北土疏水悍隄防莫及

日峻月削暗受其損而自雍正元年以來渭於郿縣之槐芽

鎮蓋屋縣之景家寨武功縣之永安鎮北徙歸川不由故道

川南之渭淤為淺灘舟楫不行人可厲涉夫川與渭不相敵

興平縣志卷一

今曰一川受全渭隘不能容漸至衝決此興平之害可為隱

憂十三年夏縣南有水警余請於臺司同武功楊令於馬坊

郵決口築堤捍禦建議請於上流之景家寨加築長堤使渭

河復由故道仍繪圖上之令武功興平二縣會勘確覆會余

謝事不果行後之君子采及葑菲當有力圖經始者矣

夾河在川之南渭之北

舊志夾河在蓋屋馬坊邠北與縣之胡浹橋相直渭流至此

北出一支宛轉而東六七里仍入渭也在今八族之牧馬廠

內

成國渠今廢

水經注渭水又東會成國故渠魏尚書左僕射衛臻征蜀所

開也號成國渠引曰澆田其瀆上承汧水於陳倉東東逕郿

及武功槐里縣北 又東逕漢武帝茂陵南 故渠又東逕茂陵縣故城南 故渠又東逕美原北渠北有漢昭帝平陵東南去長安七十里又東逕平陵縣故城南

唐李石記咸通十三年京兆府奏修六門堰畢其渠合章川莫谷香谷武安四水溉武功興平咸陽高陵等縣田二萬餘頃俗號渭白渠言其利與涇白相上下又曰成國渠魏時僕射衛臻征蜀開呂溉田大統十三年始築堰置六斗門日節水貞觀中役九州夫匠始就其功永徽四年右僕射于志寧治之聖歷中稷州刺史張知審修焉咸通十一年咸陽縣民薄遠等上言六門淤塞請假錢日為修堰費延詔借內藏錢日充令本縣官專之記役凡用萬七千緡云

舊志在縣北一里自武功流入界凡六十里溉田二百四十餘頃東入咸陽縣界

昇原渠今廢
長安志在興平縣南十五里西自武功縣流入縣界凡六十里溉田七十餘頃東流入咸陽唐垂拱初運蛟龍米今涸舊志源出汧水至武亭西南至六門堰東與成國渠流入縣界

普濟渠今廢
長安志在縣南十里自武功縣流入縣界凡六十里溉田七十餘頃東流入咸陽今涸

舊志今縣西南桑家莊西入武功界六七里有普濟鎮豈卽當時之故道與

清渠今廢

舊志在縣南二里東流入咸陽

一渠今廢
舊志在城南門外明知縣章評建

馬牧澤今廢
元和郡國志在興平縣東南二十里南北廣四里東西二十里

百頃澤縣西二十五里
元和郡國志百頃澤在縣西二十五里多蒲魚之利周迴十六里

一統志亦曰百頃泊
靈寶泉今廢
舊圖經漢時邊韶得靈寶符於此泉後所請有應因名

長安志在興平縣東南二十里周數十步深不可測

龍泉今廢
水經注故渠咸陽故渠又東逕龍泉北今人謂之溫泉匪也
長安志龍泉亦名溫泉又名姜子泉在縣西十七里周數十步深不可測

溫泉今廢
魏書地形志始平有溫泉

板橋泉縣西二十里
魏書地形志槐里有板橋泉

舊志板橋泉有二亦稱龍鳳泉俱出平地東板橋泉自北南流二百餘丈灌地一百餘畝西板橋泉自北東南流四百餘丈灌地二百六十畝

醴泉今廢

金史地理志興平有醴泉

雍勝略在興平縣東南二十里

高皇泉縣西南三十里漢高帝廟左

舊志禱雨於泉取水有應亦曰飲馬池徑一丈六尺圍五丈深三尺其水深碧乾旱不涸

玉女泉在縣東五里高店寨之寶泉寺

舊志亦稱水母泉出平地自北東西分流八十步灌地七十餘畝此泉舊有三眼西泉名玉女淳而不流中泉康熙十三年亦復不流今行水灌地者東泉也

湯臺泉縣西十里

舊志出湯臺邨西北隅谷中東南流三百七十丈灌地四十餘畝

興平縣志卷一

三

馬嵬泉縣西三十里黃山之麓

長安志在興平縣西二十里周數十步深百尺流入白渠

舊志其源歧出不一曰四郎廟泉一曰吉家亭子泉一曰聖母泉一曰龍王泉而四郎廟與吉家亭子泉又各有二總

凡六處惟聖母泉為大四郎廟泉亦稱玉皇泉玉皇泉北出一處停而不流餘皆自北南流土人引自灌圃菜蔬之利倍於禾稼

五龍泉馬嵬鎮西北

案一統志別有五龍泉在三原縣

清水泉在胡泮橋

一統志在興平縣南十五里一名永濟泉灌七邨之田凡十

餘里今廢

舊志源出武功縣陳家坎自胡家橋經永畱坊建坊龍過邨

至吳耳邨東南入川河約二十里順治十五年知縣徐開熙

典史洪廷憲同開鑿故名餘洪泉又名永濟泉康熙五十一年知縣田衷孚又於其地鑿泉五尺出水亦曰永濟泉

紅溝泉在縣西二十五里之安家嵬

舊志源出北原之麓自東而南流二百四十餘丈灌地百餘畝

史家泉

在縣西三十五里之羊圈寨

舊志出平地自北東西分流灌地三十餘畝

清泉在縣西南四十里之馬厰

舊志源出武功縣流入縣界又有一泉交匯東流至原邨之南入川河

興平縣志卷一

三

宋泊曲泊今廢

長安志宋泊在縣西二十里周十四里曲泊在縣西南十五里

雍勝略曲泊宋泊百頃泊三泊並有蒲魚之利隋開皇十五年各築隄防護

朱章堤今廢

舊志在縣東一十五里西吳邨明知縣朱文章評俱重修

浪井今廢

長安志在興平縣西三里耿祠鄉唐貞元五年自然湧出有疾者飲之多愈遠近取汲朝夕如市

灌田井

舊志四鄉二千四百五十六井雍正五年知縣胡蛟齡勸開一千三百三井共三千七百五十九井按東北西北正北各鄉皆高原鑿井甚難惟西南鄉桑家莊至東鄉田阜邨約長六十餘里寬一二里其地平行可曰鑿井深者三五丈淺者丈餘土人云一井之水足供三四畝而每一日二人輪汲僅可灌田一畝是民頗憚勞在守土者加意勸導爾

土產

稻舊志有 唐書地理志同

舊志有酒飯二種

麥舊志有 唐書地理志同

粟舊志有 唐書地理志同

芝麻舊志有 金史地理志同

櫻桃舊志有 唐書地理志同

首蓿舊志有 西京雜記同

西京雜記首蓿一名懷風時人或謂之光風風在其前蕭然日照其花有光采茂陵人謂之連枝草

地骨皮舊志有 唐書宋史地理志社佑通典同

案通典云京兆府貢地骨白皮

茴香舊志有 金史地理志同

疾黎舊志有 金史地理志同

案金史志云產黃白疾黎

桑舊志有 幽風廣義同

蠶絲舊志有 幽風廣義同

案邑人楊岫撰幽風廣義三卷極言蠶桑之利又曾上書於

布政司帥念祖略曰竊惟經國大務無過農桑迺斯民衣食之源王政之本古來聖君賢相莫不目此為急務秦人誤於風土不宜之說知農而不知桑有食而無衣二者闕一則民失一倍之資本棉麻苧匪秦地所宜絲帛布葛通省無出雖厥土黃壤厥田上上自桑蠶一廢五穀之外百無所生一女不績天下有受其寒者况通省之不績者是日秦人歲歲衣被冠履皆取給於外省而賣穀日易之歲必賣食買衣因衣之費而食減其半其艱於食者不少岫生長於斯考諸詩書傳記知蠶桑迺秦人本有之業但因往代兵燹之後砍伐殆盡物易人遷樹桑養蠶之法盡失其傳後世習而不察棄置不講遂棄無窮之地利自有之衣具仰給鄰邦甚屬可惜岫因先自樹桑數百株於己酉年始為養蠶鄉人有嘆其迂

潤難成者岫弗之顧既而蠶成及繰水絲之日鄉人環視見其絲堅韌有光色如雪莫不驚異由是鄉鄰之中多有養蠶者迄今十有三年歲歲見收近來鄰邑亦有慕效但欲養蠶者雖多而樹桑者少若能設法勸誘力加開導使桑樹多則蠶事自興秦人之富可立而致或疑桑蠶匪北地所宜又謂倘爾有成不過一隅之地匪通省所宜此亦靡所考稽之故岫請陳其可據者有六黃帝元妃西陵氏始為室養蠶養繭繹絲製裳冕定儀度別尊卑垂衣裳而天下治為衣冠之祖黃帝都於北未都於南則蠶事之興不始於南而始於北此可據者一幽風七月之詩曰春日載陽有鳴倉庚女執懿筐遵彼微行爰求柔桑又曰蠶月條桑取彼斧戕以伐遠揚猗彼女桑此治桑也幽地今邠慶三水等處地近邊壤亦云

寒矣其田高燥瘠磽而周先王當日誥誠不遑暇逸者日農桑爲王政之本女工迺衣被之原男力瘠耕女事庠蠶男女勤其職而民曰富實上下雍睦庶姓休和今臨渭一帶沃壤千里勝幽多矣豈不能興萬世無疆之利此可據者二孟子言王道無在不言桑岐與齊梁皆屬北地反覆言之何有南北之分此可據者三郭子章蠶論木各有宜土惟桑無不宜桑無不宜故蠶無不可事桑蠶本一氣有桑之處便可成蠶此可據者四察諸天時陝西出地平三十六度已在北道之北一十二度半自春分之日日行北道晝漸長夜漸短陽漸多陰漸少積陽之氣漸盛至夏之熱甚於南方蠶屬純陽喜燥惡溼食而不飲陽立於三春三變而後消陰生而後死自秋分之日日行南道晝漸短夜漸長陰漸多陽漸少積陰之氣漸盛至冬之寒甚於南方此時織工興而蠶事畢矣又養蠶之時各省不同然不論節氣寒熱有一定之候但晉桑上葉如茶七大則蠶自生於室內同氣相感有自然之理向有南北寒熱之可疑此可據者五岫養蠶歲歲有成已獲實效恐疑書生摭拾浮詞無足憑信謹將今歲所繅絲所織絮帛一並呈驗此尤近事確然其可據者六詳此六據桑蠶學行其大利於秦者有四焉積貯天下之大命也鼂錯日旰能耕而食之織而衣之爲開其資財之道也開其源節其流則財恒足矣今昇平日久生齒益繁仍守一耕治生無增歲計無加諸凡之費取給於此所目衣食兩艱豐凶並困若每歲歲能取絲三五斤便完賦稅有餘水絲一斤值銀一兩四五錢能買木棉二十斤足中人家一歲之衣若能取絲數十斤

便爲中之富桑無水旱風蟲之虞歲遇荒歉五穀不成桑卻無害此其利者一也秦地爲衣之文物之地宜家絃戶誦人文蔚起何讀書者寥寥其弊女廢織於內男力耕於外一歲畝畝之入不供一歲之脩脯膏火父兄多有驅之逐末者豈父兄喜子弟初學而惡將成歟良爲饑寒不能終其業也蠶務一舉男女有職民得衣食不闕自有暇日使子弟盡趨於學耕讀兼管教養並舉此其利者二也民可使勞不可使逸民勞則思思則善心生民逸則淫淫則惡心生周公無逸之詩魯母效績之訓良有旨也秦人農忙之外冬春無事男逸於外女逸於內男女曠職有日使之然蠶務一舉正月理蠶室二月織箔曲三月養蠶四月繅絲七八月績絲織絹九月十月裁桑冬寒修樹見正務多而遊戲少勤日長而惰日消不惟厚民生兼善民俗此其利者三也桑樹繁滋如雲似綺不但美觀兼有八宜皮可抄紙材堪爲弓木造車棹編筐篋根皮爲藥散木作薪樵充饑此其利者四也岫躬親其事實受其益不忍私諸一身將樹桑養蠶之法織工繅絲之具集爲一書繪圖詳解名曰岫風廣義謹此上陳伏乞設法廣布俾秦中農桑並務三年可呂定規五載即獲成效

唐書宋史俱云貢蠶種

唐書宋史地理志同

唐書宋史云貢蠶蠶

唐書宋史地理志杜佑通典同

案唐書云貢桑席今不傳其名通典云京兆府貢葵艸席與

今所產仿佛也

賦役

戶口鄉部

田賦

興平縣志卷二

倉貯

戶口鄉部

興平縣乾隆四十年編查戶一萬七千八百九十九口一十四萬二千四百六十五

舊志城廂四郭一千一百二戶東鄉三千一十六戶南鄉四千八百九十四戶西鄉四千四百四十戶北鄉三千一百八十戶共一萬六千六百三十二戶

縣領一十五里縣城一里曰在郭東鄉三里曰宿仲曰多保曰馬祿西鄉四里曰史名曰安家曰祝原曰東曲東鄉四里曰安谷曰順政曰文渭曰百家北鄉二里曰陳子曰陳豐東北鄉一

興平縣志卷二

大

興平縣志卷一終

里曰定周東鄉二十四部領一百三堡曰尹部四堡曰大阜部二堡曰時夏部四堡曰正安坊三堡曰高殿寨三堡曰石上部三堡曰馬堪部一堡曰西吳部七堡曰馬副部五堡曰馬旺部四堡曰梁陳部四堡曰塔兒部十堡曰馬折部三堡曰來起寨一堡曰高王寺三堡曰曹良寨六堡曰官渡部十堡曰馬駒部三堡曰侯部灣六堡曰田阜部五堡曰川流寨三堡曰寶馬部一堡曰馬部鎮七堡曰大寧坊五堡南鄉三十九部領一百五十七堡曰小阜部四堡曰惠址坊四堡曰正安坊三堡曰萬址坊四堡曰西新莊三堡曰南莊部三堡曰周部五堡曰付寨部二堡曰莊子頭六堡曰故市部四堡曰三渠部九堡曰願留寨四堡曰于部二堡曰蔡家莊九堡曰張鎮部二堡曰大姑部三堡曰肖張秦三堡曰范張部六堡曰白家官四堡曰義官部二

堡曰石馬邨六堡曰郭空寺五堡曰思義坊三堡曰豐義坊三
 堡曰清化坊一堡曰孫邨六堡曰寬仁坊五堡曰原邨三堡曰
 五家灘五堡曰水道口三堡曰南新莊六堡曰富仁坊三堡曰
 吳耳邨四堡曰東曲邨四堡曰龍過邨三堡曰建坊邨二堡曰
 永留坊五堡曰屈胡橋五堡曰張耳邨二堡西鄉四十三邨領
 一百一十八堡曰杏花邨一堡曰藥市邨四堡曰坡頭邨一堡
 曰潘邨五堡曰張家邨三堡曰染家莊三堡曰湯灣四堡曰仁
 堡四堡曰旺侯邨二堡曰北張邨一堡曰郭邨二堡曰東溫閭
 坊三堡曰板橋邨三堡曰周落邨六堡曰南留邨一堡曰周便
 邨一堡曰王堡邨二堡曰甘溝寨二堡曰西溫閭坊一堡曰安
 家鬼二堡曰新莊邨二堡曰史名邨三堡曰小趙寨一堡曰張
 上邨三堡曰安谷坊二堡曰趙邨一堡曰大通坊四堡曰馬鬼
 鎮五堡曰李邨一堡曰索寨二堡曰楊園寨一堡曰宋邨二堡
 曰采家莊四堡曰界家莊五堡曰解邨一堡曰左宋莊五堡曰
 小兒邨七堡曰史邨三堡曰桑家莊八堡曰桑家舖一堡曰紙
 坊頭二堡曰荷家坡二堡曰祝原邨二堡北鄉三十邨領九十
 五堡曰子孝邨二堡曰陳豐邨三堡曰陳良邨三堡曰費家寨
 一堡曰陳王邨三堡曰韓邨六堡曰北市邨四堡曰故顯邨四
 堡曰留位邨三堡曰南市邨三堡曰李道邨三堡曰東西陳千
 邨四堡曰新旺邨二堡曰位坊邨五堡曰楊磨邨六堡曰張李
 邨五堡曰定周邨二堡曰小南邨一堡曰阿南邨三堡曰住千
 邨三堡曰小義邨三堡曰鄭家寨二堡曰西張邨三堡曰道張
 邨二堡曰上宋邨四堡曰店張鎮四堡曰站後邨一堡曰田邨
 二堡曰山旺邨六堡曰韓邨二堡

舊志每里十甲亦有一甲分爲兩甲者則有又甲之名如又一
甲之當時或目其地之相近或目其人之相聚各隨民情之
 便因時設立初無一定但分析太多散而無統糧數零星徵
 比不易苟於民無大利害又不如不分之爲得耳

田賦

今縣實熟額內額外六等民地共五千三百四十九頃五十九
 畝九分七釐二毫內一等地三頃五十九畝四分一毫每畝科夏秋糧八升七合
 二等地一十七頃五十七畝七分四釐八毫每畝科夏秋糧六升七
 合七勺四抄七撮三等地二千六百一十六畝七分九釐六毫每畝科夏秋糧六升七
 合七勺四抄八撮四圭九粟四等地一千八百二十四畝六分九釐三毫三絲二忽每
 畝科夏秋糧三升一合二勺四抄七撮一圭四粟五等地四百六十六畝七十八畝二分一
 毫五絲每畝科夏秋糧二升七勺四抄七撮六等地一百五十九畝一十二畝六毫每畝科
 夏秋糧七合二勺實徵本色糧五百四十二石九斗八升三合零又應
 徵折色糧一萬五千四百八十五石五斗六合零每石折徵銀一兩
 五錢二分六釐九
 共折徵銀二萬五百八十七兩四錢三分五釐二毫

興平縣志卷二

內興耳邨東西恩義坊河街地六頃五十二畝四分
 乾隆四十三年知縣顧聲雷詳請豁免尚未奉文

舊志六等民地五千六百四十六頃六十三畝四分八釐二
 毫七絲每畝各起科不等共科本折糧一萬七千四百四十四石
 二斗九升二合七勺七抄七圭八粟四粒內本色糧五百七
 十七石四斗九升三合八抄一撮一圭八粟一顆折色糧一
 萬六千四百六十六石七斗九升九合六勺八抄九撮六圭
 三粒九顆每折色糧一石折徵銀一兩五錢二分六釐九毫
 三絲一忽二微二纖八塵共折徵銀二萬五千一百四十三
 兩六錢七分一釐九毫七絲九忽八微二纖一渺
 人丁三門九則不等共折下丁三萬七千七百八十二丁內
 優免六百二十六丁又康熙元年起至四十年止奉文查出溢額丁七百三十四丁共三萬七
 千八百九十九丁應徵銀三千九百九十七兩一錢八分一釐九毫零又自雍正五年奉文通省
 戶糧均丁減丁銀七百二十六兩四錢五分九釐一毫零自乾隆元年六年十一
 年十六年二十一年二十六年增補屯丁銀二百三十九兩七分一釐三毫零實共徵

丁銀二千九百九兩七錢九分四釐二毫零 又額徵均徭銀
二千六百四兩六錢一分九釐二毫零 又匠價銀一十八兩
八錢一分 又軍籍丁糧銀一千六百三十四兩六錢一分六
釐二毫零 又停免丁銀一百二十四兩四錢九分七毫零

舊志人丁三門九則不等共折下下丁三萬七千八百九十
丁每丁徵銀一錢二分三釐一毫三絲一忽共徵人丁銀四
千六百六十五兩四錢二分五釐九毫一絲三忽二微四纖
六塵

目上共徵地丁等銀二萬七千八百七十五兩七錢六分五釐
七毫零

起運額徵銀二萬三千一百四十六兩二錢六分七釐四毫零

存留額徵銀四千七百二十九兩四錢九分八釐九毫零內一

支知縣一員俸薪銀二十二兩九錢一分四釐八毫零門子二

名皂隸伴作一十六名轎傘扇夫七名庫子四名斗級四名舖

司兵二十五名每名工食銀六兩共銀三百四十八兩又馬快

八名工食銀一百三十四兩四錢民壯三十四名工食銀二百

四兩禁卒八名工食銀八十兩鐘鼓夫三名工食銀七兩二錢

一支縣丞一員俸薪銀四十兩門子一名皂隸四名馬夫一

名共銀三十六兩 一支典史一員奉薪銀三十一兩五錢二

分門子一名皂隸四名馬夫一名共銀三十六兩 一支教諭

訓導二員俸薪銀八十兩齋夫三名工食銀三十六兩膳夫二

名工食銀一十三兩三錢三分四釐門斗二名工食銀一十四

兩四錢 一支廩生二十名月糧銀六十四兩 一支孤貧四
十八名花布銀二十三兩九分九釐 一支鄉飲銀四兩八錢
九釐 一支春秋祭祀銀七十三兩三錢五分零 一支祭旗
纛並犒賞銀三兩八錢五分 一支白渠驛站夫馬工料等項
銀二千五百一十九兩二錢馬夫工料等項銀九百四十
四兩六錢 又軍籍丁糧銀一千六百三十四兩六錢一分六
釐二毫零 又停免丁銀一百二十四兩四錢九分七毫零

料銀四百兩八錢即於驛站項下撥解 本縣驛站支用銀二千一百一
一解司撥協留填夫工食銀七十五兩六錢即於填夫項
下撥解 本縣填夫支用銀七百五十五兩四錢 一解糧道永豐倉斗級
一名工食銀一十兩六錢六分六釐六毫 一解司各役新增
銀一分二釐 一解司紙劄銀二兩一錢二釐八毫 一解司

站支新墾銀二分七釐 目上存留項下支解全數清訖
耗羨民地丁銀兩除駐防兵丁支三六九十二四個月口糧馬
匹支正二三十十一十二六個月草豆每年全估抵兌正賦銀
三百四十四兩不敷耗羨外 若奉文平估扣除小建 應徵正銀二萬七
千五百三十一兩七錢六分五釐七毫零一五耗銀四千一百
二十九兩七錢六分四釐八毫內留支知縣養廉銀六百兩公
費銀二百六十兩縣丞養廉銀六十兩典史養廉銀六十兩其
餘儘數解司 收如二耗補益虧空及百官養廉公用項正三年應解項下
多不應撥補具疏題奏雍正四年奉文日一錢五分充一應公用養廉日五分助
低解司庫乾元年奉 旨裁減五分每兩止收耗銀一錢五分又於康熙六十一年
年議後耗羨分給各官養廉奉府酌量抄單與平將得留養廉銀一千二百兩雍正
歲給養廉銀六百兩公費分別四等與平酌量抄單與平將得留養廉銀一千二百兩
雍正八年二月於飭奉 上諭奉 案內奉文成各給養廉銀六十兩

地丁等銀內遇閏加徵三百四十兩七錢八分四釐五毫內支

各項加開知縣衙門門子二名皂隸伴作一十六名轎傘扇夫七名庫子四名斗級四名舖司兵二十五名共二十八兩三錢八分五毫零馬快八名共一十兩七錢八分二釐零民壯三十四名共一十六兩三錢六分四釐零禁卒八名共三兩八錢五分五毫零鐘鼓夫三名共五錢七分四毫零 縣丞衙門門子一名皂隸四名馬夫一名共二兩八錢八分七釐七毫零典史衙門門子一名皂隸四名馬夫一名共二兩八錢八分七釐七毫零 教諭訓導衙門需夫三名共二兩八錢八分六釐八毫零膳夫二名共一兩一錢一分一釐一毫門斗二名共一兩一錢五分五釐二毫零廩生二十名共五兩三錢三分三釐三毫零 縣馬槓夫共七十二兩七分六釐六毫零 糧道永豐倉斗級一名共八錢五分五釐五毫零實解司起運閩銀一百九十一兩四錢五分五釐八毫

與平縣志卷二

額外課程縣城納銀一十八兩一錢五分二釐店張納銀三兩九錢八分定周郵納銀二兩三錢八分八釐趙村納銀一兩九錢二分五釐建坊納銀一兩三錢一分馬嵬納銀一兩九錢三分三釐馬郵納銀七錢其餘各郵納銀四兩一錢一分二釐共銀三十四兩五錢一五耗銀五兩一錢七分五釐

此項在各色行人開辦銀二兩八錢七分五釐解司

站軍地租銀三兩三錢七分

此項地租係西鄉史部坊頭見家莊李合橋等名下徵收務解州

實徵本色糧五百四十二石九斗八升三合零內起運道倉米二百五十八石四斗一升七合

此項百姓自起道倉米納

存留本縣米二百八十四石五斗六升六合額支孤貧四十八名每名每月糧三市斗小建二斗九升共一百七十二石八斗遇閏加增十四石

四斗其餘存縣收入常平項下零星支撥

屯衛實熟官軍旱地官廳地共五百二十一頃五十四畝一分七釐九毫三忽

內官下旱地四十一畝二分四釐二毫四絲每畝種穀豆二畝四分合粟米三升銀九釐三毫 軍下旱地四百六十七畝七十九畝三分六釐一毫八絲三忽每畝種穀豆一畝八分合粟米二升二合銀八釐七毫 屯軍一十一名免食軍下旱地一十一畝不徵本色外每畝種了條馬草銀四釐五毫 官廳地四畝八分每畝徵粟米三

又於官糧載丁等專案內共均載丁銀一百一十四兩九錢六分三釐三毫一絲七忽七纖八塵六沙六渺在地

廠項下攤徵 呂上共實徵銀五百六十八兩四錢二分七釐

解布政司 五耗過開加徵銀 實徵豌豆九百三十八石九斗七升三勺零粟米一千一百七十五石九斗九升八合零

此二項百姓自每石正徵收七五耗豆米七升五合粟米實收同縣查驗 內吳耳鄉東西思義坊河橋地一頃一十一畝九分九釐每畝四十三斤如原額徵請免向未奉文

舊志官軍水旱官廳共地四百七十四頃五十六畝六分八釐二絲三忽每畝各起科銀糧不等共應本色糧一千九百七十二石二斗九升二合七勺三抄七撮二圭內除屯軍三十三名免食糧一百三十二石本軍自討不徵外實徵本色糧一千八百四十四石二斗九升二合七勺三抄七撮二圭內

徵豌豆八百一十五石八斗一升一合五勺八抄二撮五圭

四粟粟米一千二十二石五斗九升二合三勺五抄四撮六圭六粟稻米一石八斗八升八合八勺應徵折色糧九百四十八石四斗八合四撮六圭每糧一石徵折布銀二錢一分

共應折布銀一百九十九兩一錢六分五釐六毫八絲九微

六織六塵除屯軍三十三名免食布銀一十三兩八錢六分

本軍自討不徵外實徵折布銀一百八十五兩三錢五釐六毫八絲九微六織六塵又徵丁條草共銀二百一十五兩七錢一分九釐四毫九絲八忽八微七纖五塵 人丁三門